



raspada da Zernez

cun las fracziuns Brail, Lavin, Susch e Zernez

marz fin mai 2024

Fastenzeit – auch reformiert?

Die Fastenzeit war zuerst kein reformierter Brauch. Die Reformatoren meinten jedoch, die Fastenzeit dürfte sehr wohl eine Zeit sein, in der wir unsere Herzen vorbereiten, um an Karfreitag Christus Opfer zu gedenken und am Ostersonntag seine Auferstehung zu feiern. Sie ist zwar keine Pflicht, aber für mich wurde die Fastenzeit zu einer Zeit der bewussten Selbstreflexion, Einfachheit und Erneuerung der Aufrichtigkeit (Ehrlichkeit) und Transparenz. Wir üben Gerechtigkeit gegenüber Gott im Gebet, Gerechtigkeit gegenüber uns selbst durch Fasten und Gerechtigkeit gegenüber unseren Nachbarn, indem wir teilen, was wir haben. Jeder kennt sicher den Suppentag oder das Verzichten auf eine Mahlzeit, um das gesparte Geld in einem Kässeli aufzubewahren als Spende für unser reformiertes Missionswerk HEKS. Für mich persönlich ist das Zusammenkommen mit anderen, um zu singen, zu beten und uns über biblische Gedanken auszutauschen, immer eine echte Bereicherung, um mein Herz auf Ostern und den Frühling vorzubereiten. Deshalb biete ich in unserer Zernezer Gemeinde in dieser Fastenzeit 2024 eine Zeit der Gemeinschaft und des Austauschs an. Wir werden uns während der Fastenzeit jeweils am Donnerstagabend treffen abwechselungsweise in den verschiedenen Dörfern (siehe Programm). Das Thema, das ich für diese Fastenzeit gewählt habe, ist «Der Weg». Ich lade alle ein, mit mir über einige Pilgerpsalmen nachzudenken, Gedanken auszutauschen und über «den Weg» zu meditieren, den wir gemeinsam auf unserer spirituellen Reise gehen.



Ich **lade alle ein** zu einer Zeit der Gemeinschaft und des Austausches.

Wir treffen uns während der Fastenzeit jeweils am **Donnerstagabend um 18 Uhr** und meditieren anhand von Pilgerpsalmen über "den Weg".

Cults divins da Chalandamarz fin Mai 2024

Data	Brail	Zernez	Susch	Lavin	divers
Marz 2024					
03 – 03	→	→	→	11:00 d/r R. Giselbrecht	Predgia da Chalandamarz per tuots a Lavin
07 - 03	→	18.00 d/r R. Giselbrecht	←	←	Cult divin da gövgia per quaraisma
10 – 03	→	→	11:00 d R. Giselbrecht	←	
14 – 03	→	→	→	18.00 d/r R. Giselbrecht	Cult divin da gövgia per quaraisma
17 – 03	→	11:00 d/r R. Giselbrecht	←	←	Di da schoppa ecumenic baselgia cat.
21 – 03	→	→	18.00 d/r R. Giselbrecht	←	Cult divin da gövgia per quaraisma
24 – 03	→	10:30 d/r R. Giselbrecht	←	←	Confirmaziun in baselgia gronda
28 – 03	→	18.00 d/r R. Giselbrecht	←	←	Cult divin da gövgia per quaraisma
29 – 03	→	→	11:00 d/r R. Giselbrecht	09:45 d/r R. Giselbrecht	Venderdi Sonch Liturgia speciala
31 – 03	13:30 d/r R. Giselbrecht	11:00 d/r R. Giselbrecht	09:45 d/r R. Giselbrecht	06:00 d/r R. Giselbrecht	Pasqua - vair program
avrigli 2024					
07 – 04	-	11:00 d/r R. Giselbrecht	09:45 d/r R. Giselbrecht	-	
14 – 04	Ingün cult divin in nossa raspada				
21 – 04	-	-	09:45 d/r R. Giselbrecht	11:00 d/r R. Giselbrecht	
28 – 04	-	11:00 d/r R. Giselbrecht	-	09:45 d/r R. Giselbrecht	
mai 2024					
05 - 05	Ingün cult divin in nossa raspada				
09 - 05	→	11:00 d/r R. Giselbrecht	↔	09:45 d/r R. Giselbrecht	Ascensiun
12 - 05	→	11:00 d/r R. Giselbrecht	09:45 d/r R. Giselbrecht	←	Di da la mamma
19 - 05	→	→	11:00 d/r R. Giselbrecht	←	Tschinquaisma
26 - 05	-	09:45 d/r R. Giselbrecht	-	11:00 d/r R. Giselbrecht	
r: liturgia e predgia in rumantsch; r/d: liturgia in rumantsch, Predigt deutsch d/r: Liturgie und Predigt deutsch					

Predgia da Chalandamarz

In dumengia, als **3 da marz, a las 11.00** ha lö a Lavin la «Predgia da Chalandamarz» per tuot nossas fraczius. Per la fracziun da Lavin es la «Predgia da Chalandamarz» üna veglia tradiziun. Adüna la prüma dumengia da marz vain fat cun brunzinas ün seguond cortegi da Chalandamarz tras Lavin. Il cortegi riva vers las 10.30 sün Plaza Gronda. Là chantan ils uffants lur chanzuns da Chalandamarz. Davo va tuot la brajada in baselgia, ingio cha ravarenda *Rebecca Giselbrecht* fa la predgia per grond e pitschen. Eir là chantan ils uffants lur chanzuns.



Di da schoppa

Adüna dürant il temp da Quaraisma ha lö in nossa raspada il di da schoppa ecumenic. Quist on ha lö il cult divin in dumengia, **als 17 da marz, a las 11.00 in baselgia catolica** a Zernez. La schoppa cha duonna *Anna Zala* prepara minch'on cun agüdantas e agüdants da las duos ultimas annadas da soula ed otras personas es cuntschainta ün toc sur ils cunfins da nossa raspada oura per sia buntà. Eir il bun ambiaint da cumünanza chi dà pro quell'occurrenza in chasa da scoula es intant cuntschaint. Ma duonna rav. *Rebecca Giselbrecht* e pader *Mathew Charthakuzhiyil* collavuran quist on per la prüma vouta insembel in ün cult divin ecumenic. Cun far la preparaziun vegna sgürischem discurrü bler inglais, ma in baselgia dudin lura rumantsch e tudais-ch. Il cult divin vain ultra da quai amo imbelli da chanzuns cha'l's uffants da scoula han imprais cun nossa catecheta, duonn' *Anna Kirchen* e sia sour, duonna *Lydia Domenig*.



In devoziun e spiritualità sün via vers Pasqua

Ravarenda, *Rebecca Giselbrecht*, ha plaschair da pudair spor-scher a nossa raspada temas e fuomas per s-chaffir cumünanza. Perquai esa gnü als inscunters da la gövgia pel temp da Quaraisma ch'ella manzuna i'l artichel inizial da quista Punt. La gövgia soncha, celebrain eir la soncha tschaina. Eir nossa festa da Pasqua es variada. La bunura da Pasqua a las 6.00 pon tuots quels chi vöglan, as radunar pel cult divin dal fö da Pasqua a Lavin e lura star da compagnia per üna culazchun cumünaivla. Ils cults divins cun soncha tschaina sun avantmezdi a Susch e Zernez ed a Brail davo giantar. L'idea es quella cha per tuot quista sporta da Quaraisma fin Pasqua, as fuorma tenor gust e plaschair cumünanza sur ils cunfins da nossas fracziuns oura.



Giubilaras e giubilars

Anniversaris raduonds o cun 5er sur 75 e tuots sur 90 pels trais mais actuels:

04.03. Hösli Meta	92	13.04. Toutsch-Brunner Monica	80
11.03. Könz Urs	75	14.04. Martinelli Anita	92
25.03. Tognini Rosa	91	15.04. Brogt Domenica	85
26.03. Felix Irene	80	22.04. Pinggera Jack	80
27.03. Werro Christian	75	01.05. Godly Otilia	75
		04.05. Tschander Marlis	80

Id es natüralmaing adüna dischagreabel schi capitan sbagls güsta pro'l's anniversaris! In cas da sbagls dumandain ouravant s-chüsa.

Confirmaziun in dumengia, als 24 da marz, a las 10.30 in baselgia gronda a Zernez

Nouv giuvnas e giuvens da nossa raspada pon festagiar insembel a Zernez lur Confirmaziun. Ellas ed els han preparà lur cult divin da festa insembel cun duonna ravarenda Rebecca Giselbrecht ed ellas ed els s'allegren scha sper lur famiglias e lur amis, es da la partida per lur grond di eir la raspada da tuot las fracciuns.

Confirmad(a)s vegnan:

Ursina Bezzola da Zernez,
Renzo Bonifazi da Lavin,
Shanaya Bott da Zernez,
Christian Gisler da Zernez,
Alexandra Meng da Zernez,
Giacomin Saluz da Lavin,
Luana Silva Gomes da Zernez,
Moreno Städler da Zernez
e Lorena Werro da Susch.



Sülla foto as vezza nossas confirmandas e nos confirmands sün lur viadi a Triest l'utuon passà. Sülla foto sun eir lur cumpogns d'annada catolicks, ün manader giuvenil, nossa ravarenda **Rebecca Giselbrecht** e pader **Mathew Charthakuzhiyil**.

Cuors da las baselgias per giuvens manaders, als 6 e 7 avrigl a Lavin

Sco survart sülla foto, pudain ils ultims ons adüna tour in agüd giuvens manaders chi han fat il cuors da la baselgia chantunala per nos viadis da confirmands. L'intent da las raspadas da nossa regiun es quel da pudair fabrichar sü cun els eir üna gruppa da giuventüna regiunala da nossas baselgias. Perquai organisescha nossa regiun da baselgia insembel culla baselgia chantunala eir quist on ün tal cuors da duos dis dürant üna fin d'eivna a Lavin. Interessadas ed interessats da 15 fin 18 ons pon s'annunzchar pro la ravarenda o pro'l president.

Radunanza generala in marcurdi, als 17 avrigl in sala pravenda catolica a Zernez

Una vouta daplü as raduna nossa raspada illa sala pravenda catolica per nossa radunanza generala annuala. Quella ha lö in marcurdi, als 17 avrigl, a las 19.30 illa sala pravenda catolica a Zernez. Pro'l consistori vain nus da rimplazzar a *Monica Stupan* chi ha demischiunà ed a *Flurina Walter* chi resta manadra da nos secretariat, ma ha demischiunà sco consistoriala per Lavin. Persunas da Lavin e da Zernez chi s'interessan da collavurar in nos consistori e surtour responsabiltà per nossa raspada, pon gugent s'annunzchar pro'l president, *Hermann Thom*.

Tschinquaisma per tuot las fracciuns a Susch, als 19 da mai a las 11.00

Daspö la fusiun da nossa raspada es la festa dal spiert sonch e da la naschentscha da la baselgia cristiana sün tuot il muond eir nossa festa per muossar unità. Fingià adüna festagiaina Tschinquaisma cun soncha tschaina be in ün lö per tuots. Quist on es que la baselgia San Jon a Susch. Sco minch'on daja davo il cult divin ün aperitiv per star da cumpagnia e promouver la cumünanza.

Contacts cun la raspada:

Cun quai cha nossa ravarenda es ingaschada a plaza parciala, vegnan organisadas las casualias sco: battaisems, nozzas e funerals inavant dal president e dal secretariat. Per plaschiar s'annunzar pro els:

Presidi:

Hermann Thom 079 413 02 03
obain hesti@bluewin.ch

Secretariat:

Flurina Walter 079 586 12 39
obain flurinawalter@hotmail.com

Per dumondas da chüra d'ormas e da quellas spiritualas

as po s'annunzchar eir directamaing pro nossa ravarenda dr. **Rebecca Giselbrecht**, ella es ragiundschibla suot **081 856 15 43** obain rebecca.giselbrecht@gr-ref.ch